

ORDINANT 28: GRADDEDIGION PRIFYSGOL CYMRU (ORDINANT 22 YN FLAENOROL)

Mabwysiadwyd mis Mawrth 2014

1. Yn amodol ar ddarpariaeth y SIARTER a'r STATUDAU ceir corff o holl Raddedigion y Brifysgol – a elwir yn Gymdeithas Cyn-fyfyrrwyr Prifysgol Cymru, neu unrhyw deitl arall y bydd Cyngor y Brifysgol yn cytuno arno o bryd i'w gilydd.
2. Nodau'r corff fydd:
 - a. meithrin cyswllt clos rhwng y Brifysgol a'i graddedigion a darparu canolbwynt i'w holl raddedigion allu cyfathrebu â'i gilydd ac â chyrrff eraill;
 - b. darparu gwasanaethau i'w aelodau fydd yn ategu ac yn ychwanegol i'r rhai a ddarperir gan y sefydliadu lle'r astudiodd y myfyrwyr am eu graddau;
 - c. ceisio darparu cyfle ar gyfer cydweithredu a chydweithio rhwng cyrrff cyn-fyfyrrwyr yn y sefydliadau a hyrwyddo pob sefydliad yn fyd-eang;
 - d. darparu gwasanaethau a buddiannau i'r graddedigion rhyngwladol.
3. Bydd y Brifysgol yn darparu cyfleusterau ar gyfer gweithredu Swyddfa Cyn-fyfyrrwyr Prifysgol Cymru i gynorthwyo â chyflawni nodau corff y graddedigion (gyda phwyslais penodol ar nod 2(a) uchod).
4. Bydd y Brifysgol yn sefydlu Fforwm Cyn-fyfyrrwyr Prifysgol Cymru (Fforwm Cyn-fyfyrrwyr PC) i gynrychioli buddiannau Graddedigion y Brifysgol a chynorthwyo gwaith Swyddfa Cyn-fyfyrrwyr Prifysgol Cymru.
5. Bydd Fforwm Cyn-fyfyrrwyr PC yn cynnwys digon o gyfranogwyr neu aelodau (heb fod yn llai nag un ar ddeg) o blith corff ehangach o Raddedigion, i ddarparu cydraddoldeb cyfle rhesymol, cydbwysedd rhywiau, mewnbwn ffres ac ystod gytbwys o oed a disgyblaethau astudio. Dylid adolygu'r aelodaeth yn flynyddol i sicrhau bod aelodau'n cyflawni eu dyletswyddau ac yn ymgysylltu â'r Brifysgol.
6. Bydd Fforwm Cyn-fyfyrrwyr PC yn gweithredu er budd gorau Graddedigion y Brifysgol yn gyffredinol.
7. O ystyried natur ryngwladol eang ei aelodaeth, bydd Fforwm Cyn-fyfyrrwyr PC yn cynnal ei fusnes drwy gyfathrebu electronig a bydd yn gweithredu fel fforwm 'rhithiol'.
8. Caiff aelodau o Fforwm Cyn-fyfyrrwyr PC gyflwyno sylwadau ar unrhyw fater yn ymwneud â buddiannau'r Brifysgol a'i Graddedigion. Dylid cyflwyno sylwadau i Swyddfa'r Cyn-fyfyrrwyr, ond gellid (fel bo angen) eu cyflwyno i'r Is-Ganghellor ac yna i Gyngor y Brifysgol a/neu i'r Bwrdd Academaidd.